



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



ՀՈԳԱԲԱՐՁՈՒԹԵԱՆՑ ՈՒ ՏԻԿՆԱՆՑ ՄԻՈՒԹԻՒՆՆԵՐՈՒ ՏԱՐԵԿԱՆ ՀԱՄԱԳՈՒՄԱՐԻՆ

ԱՐՏԲԱՑ ԳՈՐԾԱԿՑՈՒԹԵԱՄԲ ՈՒ ԱՌԱԿԵԼ ՆՈՒԻՐՈՒՄՈՎ ՅԱՌԱՋ ՏԱՆԻՆՔ ԹԵՄԱԿԱՆ ԱԾԽԱՏԱՆՔՆԵՐԸ

ԹԵԼԱԴՐԵՑ ԱՌԱՋՆՈՐԴ ՄՐԲԱԶԱՆԸ

Արեւմտեան մեր Թեմի Ազգային Երեսփոխանական Ժողովի ընթացիկ նստաշրջանի նախօրեակին, գեղեցիկ աւանդութիւն դարձած է, որ մեր եկեղեցիներուն հոգաբարձական կազմերն ու տիկնանց միութիւններու վարչութիւնները ի մի խմբուին համագումարի մը, միասնաբար քննարկելու համար հասարակաց հարցեր, ծանօթանալու մեկգմէկու աշխատանքներուն ու ծրագիրներուն եւ միջոցներ որոնելու մարտահրաւերներ ու հարցեր միասնաբար դիմագրաւելու համար: Այս համագումարը խորքին մէջ մեկ մասնիկն է Երեսփոխանական Ժողովին:

Թեմիս Ազգ. Երեսփոխանական Ժողովի 35րդ նստաշրջանի նախօրեակին, հոգաբարձութեանց ու տիկնանց միութիւններու համագումարը տեղի ունեցաւ Հինգշաբթի, 17 Մայիսի երեկոյեան, Ազգային Առաջնորդարանի նորակառոյց շէնքի «Տիգրան եւ Չարուհի Տեր Ղազարեան» սրահին մէջ, նախագահութեամբ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի, մասնակցութեամբ Հոգեւոր Հայրերու, Ազգային Վարչութեան եւ Ազգ. Առաջնորդարանի Տիկնանց Օժանդակ Մարմին անդամներուն:



Համագումարին բացումը կատարեց Առաջնորդ Սրբազանը, որ նախ ներկաները հրաւիրեց միացեալ աղօթքի, ապա, բոլորին ներկայութիւնը ողջունեց Ազգ. Առաջնորդասրանի նորակառոյց յարկին տակ, հաստատութիւն մը՝ որ արդարօրէն ստացած է Ազգի Տունը կոչումը: Ան անդրադարձաւ այս համագումարին կարեւորութեան ու իմաստին, նշելով, որ անկա միայն փոխադարձ ծանօթացումի ու զեկուցումներ ներկայացնելու առիթ չէ, այլ մեր դիմագրաւած հարցերը

միասնաբար քննարկելու, միասնաբար լուծումներ որոնելու եւ գործակցութեան դաշտեր ստեղծելու կը ծառայէ:

Ըստ օրակարգին, Ազգ. Առաջնորդարանի Տիկնանց Օժանդակ Մարմինի, ապա նաեւ եկեղեցիներու տիկնանց միութեանց ու հոգաբարձութեանց ներկայացուցիչները հանդէս եկան հակիրճ գեկուցումներով: Համագումարը ծանօթացաւ իւրաքանչիւր շրջանի մէջ տարուան ընթացքին տարուող մեղուաջան աշխատանքներու մանրամասնութեանց, ծրագիրներուն եւ մարտահրաւերներուն: Չեկուցումները կ'ընդգրկէին երիտասարդական միաւորներու, կիրակնօրեայ դպրոցներու, դպրաց դասերու եւ, մէկ խօսքով, հոգաբարձութեանց հովանիին տակ տեղի ունեցող զանազան աշխատանքներու դաշտերը: Չեկուցաբերները չբաւականացան միայն իրենց աշխատանքներուն ու ծրագիրներուն պատկերը ներկայացնելով, այլ նաեւ խօսեցան իրենց դիմագրաւած մասնակի ու ընդհանրական դժուարութիւններուն մասին, այն մտասուեռումով, որ տարբեր շրջաններու մէջ ձեռք բերուած փորձառութիւնները կրնան օգտակար ըլլալ բոլորին:

Յատուկ գեկուցում մը ներկայացուց Ազգ. Առաջնորդարանի Զրիստոնեական Դաստիարակութեան բաժանմունքի վարիչներէն Գերպ. Տ. Միւռն Շ. Կրդ. Ազնիկեան: Ան հանգամանօրէն խօսեցաւ այն աշխատանքներուն մասին, զորս այս բաժանմունքը կ'իրագործէ Առաջնորդ Սրբազանին ցուցմունքներով՝ նոր սերունդներու հոգեւոր դաստիարակութեան նպատակով, աշխատանքի դաշտ ունենալով երիտասարդական ու պատանեկան խմբակները, Ս. Գրային սերտողութեան պահերը, Կիրակնօրեայ դպրոցները, պատանեկան երգչախումբը եւայլն: Ան նշեց, որ Կիրակնօրեայ դպրոցներու համար մշակուած եւ դաստիարակչական եւ ուսուցողական տարեկան ծրագիրներ, կը կազմակերպուին ուսուցչաց եւ աշակերտական համագումարներ ու հանդիպումներ, որոնց իրագործման համար սերտ գործակցութիւն կը տիրէ յիշեալ Բաժանմունքին, հոգեւոր հովիւներուն ու հոգաբարձութեանց միջեւ:

Խօսք առաւ Ազգ. Վարչութեան ատենապետ Դոկտ. Կարօ Յակոբեան. ան առաջին հերթին գնահատանք արձանագրեց տարուած աշխատանքին մասին, ապա նաեւ վարչութեան կողմէ որոշ թելադրանքներ ու յանձնարարութիւններ կատարեց համագումարին մասնակցողներուն, նկատողութիւններ՝ որոնք կրնան նպաստել աշխատանքներուն աւելի հեզասահ ընթացք տալու եւ գործակցութեան սերտացման: Ան գնահատանքով անդրադարձաւ այն նախաձեռնութիւններուն ու գործերուն, որոնք կը կատարուին որոշ շրջաններու մէջ, ու նկատել տուաւ, որ նման աշխատանքներու բոլոր շրջաններու վրայ տարածումը կը նպաստէ մեր Թեմի յառաջդիմութեան:

Համագումարին եզրափակիչ խօսքը արտասանեց Առաջնորդ Սրբազանը: Ան եւս գնահատանքով արտայայտուեցաւ գեկուցաբերներուն մասին, շեշտելով, որ այս ու նմանօրինակ համագումարներ պէտք է առիթ ծառայեն մեր աշխատանքներու յառաջ մղումին, որովհետեւ տեղքայլն ու ինքնաբաւութիւնը, ինքնին, նահանջի համագոր եւ: Ան ողջունեց բոլոր կազմերուն ծառայական ոգին ու հրաւեր ուղղեց յաւելեալ նուիրումի: Առաջնորդ Սրբազանը նաեւ անհրաժեշտ նկատեց, որ մեր բոլոր

աշխատանքներուն մէջ հարցերը պէտք է դիմագրաւել սրտբացօրէն, առանց դժուարութիւններէ խուսափելու կամ զանոնք ծածկելու: Ան նկատել տուաւ, որ մեր Թեմին համար, այս տարիները ունին յատուկ իմաստներ, տրուած ըլլալով, որ 2007 տարին Հայ Լեզուի Տարի է, յառաջիկայ տարի մեր Թեմը պիտի տօնէ իր 35-րդ տարեդարձը: Վերջապէս, Առաջնորդ Սրբազանը յայտնեց, թէ պէտք չէ բաւարարուիլ տարեկան այս համագումարով, այլ գործակցութիւնն ու աշխատանքները յառաջ տանելու համար, պէտք է աւելի յաճախակի կերպով կազմակերպել նմանօրինակ հանդիպումներ, որոնք կրնան կայանալ շրջաններու ներկայացուցիչներու շրջագիծին մէջ, եւ այս նպատակով, Ազգային Վարչութիւնը մօտիկ ապագային պիտի ստեղծէ համապատասխան մեքենայ մը: Ան իր խօսքը եզրափակեց անգամ մը եւս գնահատանք արձանագրելով կատարուած աշխատանքին համար ու աւելի բժախնդրութիւն թելադրելով յառաջիկայ աշխատանքներուն մէջ, հաղորդակցութեանց զարգացումով:

Համագումարը վերջ գտաւ ժամը 10:15ին, Առաջնորդ Սրբազանին օրհնութեան աղօթքով ու «Կիլիկիա»ի խմբերգումով:

AT THE BOARDS OF TRUSTEES AND LADIES ASSOCIATIONS ANNUAL MEETING

WE MUST FURTHER OUR ENDEAVORS AND MISSION WITH RENEWED DEVOTION

It has become tradition for the Boards of Trustees and Ladies Associations of our parishes to come together on the eve of the National Representative Assembly to collectively discuss issues of concern to our parishes and to reflect on means to overcoming challenges.

The annual meeting of the Boards of Trustees and Ladies Association took place on the evening of Thursday, May 17, at the “Dikran and Zarouhie Der Ghazarian” Hall, under the auspices of H.E. Archbishop Moushegh Mardirossian, Prelate, and with the participation of members of clergy, Executive Council, and the Prelacy Ladies Auxiliary Guild.



The meeting opened with collective prayer and welcoming remarks by the Prelate, followed by reports by the Prelacy Ladies Auxiliary, and parish Boards of Trustees and Ladies Associations, during which those in attendance were more closely familiarized with the activities of each parish as well as challenges facing each parish. A special report was given on the endeavors of the Christian Education Department by Co-Director Very Rev. Fr.

Muron Aznikian. With the guidance of the Prelate, the department continues to meet the spiritual needs of the new generation through youth groups, Bible studies, Sunday Schools, choirs, etc.

Speaking on behalf of the Executive Council, Chairman Dr. Garo Agopian highly commended all the parishes for their efforts and offered suggestions and ideas to assist in the expansion of their fields of activity. Closing remarks were delivered by the Prelate in which he once again offered his commendation and stressed the importance of such meetings to further our service to our people. The Prelate urged the participants to continue their work with renewed devotion and advised them not to shy away from challenge but rather to face and overcome them with an open heart and an open mind. The Prelate concluded his remarks by stating that it is not enough to meet once a year and that it is necessary to organize meetings of this nature more often to advance our mission.

The meeting came to a close with the benediction by the Prelate.

This email is broadcasted by [Western Prelacy of the Armenian Church of America](http://www.westernprelacy.org) - 6252 Honolulu Ave, La Crescenta, CA 91214 - USA. If you have any questions or comments, please do not hesitate to call us at (818) 248-7737 or send us your request by email to info@westernprelacy.org. Visit our Website www.westernprelacy.org Copyright . 2007 All rights reserved.